

ԱՐՁԱՆԱԳՐՈՒԹՅՈՒՆ ԹԻՎ 2

2019 թ. հունվարի 24-ին տեղի ունեցավ ՀՀ Կոտայքի մարզի Գեղաշենի Ռազմիկ Ստեփանյանի անվան միջնակարգ դպրոցի 2^բ դասարանի ծնողական ժողովը: Ժողովին ներկա էին բոլոր ծնողները, դասղեկ Արմենուհի Սարգսյանը և տնօրենի մասնագիտացված կրթական աջակցությունների գծով տեղակալ Ջոյա Գևորգյանը:

Օրակարգում՝

- 1. Առաջին կիսամյակի ամփոփում:*
- 2. Երկրորդ կիսամյակի խնդիրները և դրանց իրականացումը:*
- 3. Ընթացիկ հարցեր /կարգապահություն,ռեժիմ,հերթապահություն/:*

1. Լսեցին.- Առաջին կիսամյակի ամփոփման հարցը:

Ելույթ ունեցավ դասղեկ Արմենուհի Սարգսյանը՝ ներկայացնելով առաջին կիսամյակի արդյունքները: Քննարկվեց յուրաքանչյուր երեխայի առաջադիմության հարցը, մանրամասնորեն ներկայացվեց յուրաքանչյուր աշակերտի զբաղմունքը և բանավոր խոսքը:

Ծնողներին անհատական ներկայացվեց իրենց երեխաների բացթողումներն ու թերացումները: Դասարանում կան այնպիսի աշակերտներ,որոնք դժվարանում են կարդալիս և զբաղմունք գրելիս:

Որոշեցին

Ավելի հետևողական լինել բարձր առաջադիմություն ապահովելու համար: Այն ծնողները, որոնց երեխաները ունեն որոշակի թերացումներ, որոշեցին ավելի շատ համագործակցել ուսուցիչների հետ, տանը ավելի շատ աշխատել երեխաների հետ, որպեսզի վերացնեն բացթողումները: Կարդալ և գրել դժվարացող աշակերտների ծնողներն էլ խոստացան ավելի ուշադիր լինել իրենց երեխաներին, դժվարության դեպքում փորձել ուսուցիչների հետ միասին կարգավորել ցանկացած հարց կապված դասերի հետ:

2.Լսեցին.- Երկրորդ կիսամյակի խնդիրները և դրանց իրականացումը:

Ժողովի ընթացքում քննարկվեցին մի շարք խնդիրներ, որոնք պետք է լուծվեն երկրորդ կիսամյակի ընթացքում: Եղան բազմաթիվ հարց ու պատասխաններ ծնող-դասղեկի միջև: Դասղեկ Ար. Սարգսյանը տեղեկացրեց, որ առջևում Հ. Թումանյանի 150-ամյակին նվիրված հեքիաթների բեմադրություն է սպասվում և ակնկալում է , որ ծնողները

պատասխանատու կգտնվեն և կօգնեն դասղեկին բեմական հագուստների և դեկորացիաների պատրաստման հարցում:

Որոշեցին.

Բոլոր հարցերում համագործակցել դասղեկի հետ և օգնել նրան բեմականացման նախապատրաստական աշխատանքների հարցում:

3. Լսեցին .- Ընթացիկ հարցեր /կարգապահություն,ռեժիմ,հերթապահություն/:

Դասղեկը հորդորեց ծնողներին հետևողական լինել իրենց երեխաների նկատմամբ, հետևել, որ աշակերտները դպրոց հաճախեն պայուսակով, դասագրքերով և դպրոցական համազգեստով, ենթարկվեն դպրոցի ներքին կարգապահական կանոններին և աշակերտավայել վարք դրսևորեն, պահեն ծնող-դասղեկ-աշակերտ կապը: Քննարկվեց ընթացիկ հարցեր, որոնք վերաբերվում էին դասագրքերի պահպանմանը, աշակերտների հիգիենիկ վիճակին:

Որոշեցին.

Ցուցաբերել ավելի շատ ուշադրություն և հետևողականություն, որպեսզի աշակերտները ներկայանան աշակերտին վայել կեցվածքով, լինեն կարգապահ և դասերին պատրաստ:

Ծնողական խորհրդի նախագահ՝ *Իննա Բազադյան* | Ժ. Բազ
Քարտուղար՝ *Շուստերա Մեդրեալյան* | 